



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10 i 4/13), razmatrajući Nacrt zakona o mladima Brčko distrikta Bosne i Hercegovine, Skupština Brčko distrikta BiH, na 7. redovnoj sjednici održanoj 15. marta 2017. godine, donosi

O D L U K U
O ODRŽAVANJU JAVNE RASPRAVE O NACRTU
ZAKONA O MLADIMA BRČKO DISTRIKTA BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o mladima Brčko distrikta Bosne i Hercegovine.

Član 2

Nosioци активности provođenja javne rasprave su Komisija za mlade Skupštine Brčko distrikta BiH i Odjeljenje za stručne i administrativne poslove Vlade Brčko distrikta BiH.

Član 3

Zadužuju se Stručna služba Skupštine Brčko distrikta BiH i Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH www.skupstinabd.ba i web-stranici Vlade Brčko distrikta BiH www.bdcentral.net.

Član 4

Javna rasprava održat će se **30. marta 2017.** godine u maloj sali Skupštine Brčko distrikta BiH s početkom u **12 sati**.

Javna rasprava bit će održana s predstavnicima omladinskih organizacija, drugim zainteresovanim pravnim licima koja se bave problematikom mladih kao i svim fizičkim licima zainteresovanim za problematiku mladih.

Član 5

Finansijska sredstva za organiziranje i provođenje javne rasprave osigurat će Vlada Brčko distrikta BiH.

Član 6

Nakon sprovedene javne rasprave Komisija za mlade Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

Član 7

Zapisnici s javne rasprave bit će dostavljeni zastupnicima Skupštine Brčko distrikta BiH, Komisiji za mlade Skupštine Brčko distrikta BiH, Zakonodavnoj komisiji Skupštine Brčko distrikta BiH, gradonačelniku Brčko distrikta BiH i Odjeljenju za stručne i administrativne poslove Brčko distrikta BiH, najmanje petnaest (15) dana prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-86/17
Brčko, 15. 3. 2017. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Zakonodavnoj komisiji
- 5) Komisiji za mlade
- 6) Stručnoj službi Skupštine
- 7) Sektoru za koordinaciju politika i opće poslove
- Odsjeku za opće poslove
- 8) Arhivi